

Kodak Color Control Patches

Blue

Cyan

Green

Yellow

Red


Magenta

White

3/Color

Black

© Kodak, 2007 TM Kodak



Kodak Gray Scale

C Y M

© Kodak, 2007 TM Kodak

A 1 2 3 4 5 6 M 8 9 10 11 12 13 14 15 B 17 18 19



歌鳴館遺稿

卷之一

122

本

4-2

小尾說太郎氏寄贈

平洲先生嚶鳴館遺稿卷之二

尾張 紀徳民著

米澤 神保行簡

門人 東都 泉 長達 同校

久留米 榊島公禮

七言律

山居

茅屋柴扃松竹幽清風朗月幾年秋  
窻前曲徑聞鳴鹿檻外空潭見睡鷗  
餘得後厨三石釀豈追南面百



A122  
不  
4-2



城憂消閒但檢書千卷獨笑狂愚老未休

集飲五柳園賀主人源巨卿七十初度

處士清筵七秩辰友朋相會意愈親  
令名不願人文繡隱操依然烏角巾  
采芝豈獨嵩山老種柳偏憐彭澤倫  
齒德如君天福足永將樽酒醉芳春

冬至前三日過飲千村伯就自適園

寒梅花早兩三枝細細茶煙傍竹籬  
依舊生芻人似玉奈何老鬢我如絲  
芳樽自覺陽將動灰管無關氣未吹  
乘暇偶來隨靜者塵途休笑拂衣遲

贈明倫堂諸子

幸遇明倫建學年笙鏞崇化寵才賢  
優柔日講三王籍典廢堪窺百史編  
美業由來稱苦力令名自古不虛傳  
何關俗眼多青白但以丹心報所天

信山道中作

江城顧望夏雲長身襲寒衣入信陽  
行見澗流猶滌雪卻憐桃李始飛香  
曾聞老鶴歸華表何處仙翁睡石牀  
此去張州知不遠盤回已度十三岡

中秋學宮賜宴得豪字

秋光如水月輪高藻思爭揮五彩毫一片漢雲流鴈影千章城樹起松濤都憐製句皆成玉休笑持觴獨問整知否老夫乘興甚年年刮目對賢豪

酬淡路田仲求

遠道懷人倚小樓正看孤鴈下江頭林風浙澀寒砧亂野水蒼茫落日愁萬里神交情不極千行錦字思何休遙心一夜西窻月夢度天南淡路洲

福島尹山村君將歸枉駕草堂賦奉送

頻會張城與信州豈圖東海賦同遊環岡密竹風初

霽度關輕雲雨正收共道官情閒一日偏憐醉語契

千秋北門鎖鑰家聲重無奈曾山叱紫騮

初秋土佐箕迂叔薩摩赤彥禮二文學處士服  
佑甫見訪一崖草堂賦謝

路遶城西僻地形唯憐杖屨到柴扃師臣南國連雙壁處士東關引一星素瑟清琴歌且和枯魚濁酒醉還醒期君此興重相憶莫負晴宵月滿亭

聞浪華中井子慶開六十初度之宴遙寄賀

綠鬢曾邀墨水前聞君早已杖鄉年關西譽望歸楊



震周代遺文屬鄭玄孝愛爭呈懷裏壁優遊自許酒  
中仙故人矯首飛揚甚抃舞無由醉一筵

押米澤老侯瑤韻奉壽大老侯七十初度

滿階花散錦爲筵氣暖春城旭日懸當檻翠松凝瑞  
靄拂樽新柳帶晴烟歌引鸞音金管合坐飜鳳翼彩  
欄連千秋自有仙君在那問瑤臺玉室邊

感懷八首

膝前承命下高堂別淚慙慙戒異鄉一劍行潛星畔  
氣千金欲挾字中霜天涯客跡窮夷險海內交遊見

炎涼割愛如非由罔極爭將弱羽試翱翔

其二

二八童齡洛水陽清遊幾處醉詩場趨陪竝賦王孫  
草顧眄殊頒帝子香菟道烟霞弔陳跡嵐山雪月度  
高岡歸來爲刮當時目暗覺貂裘敝益光

其三

少來心事與誰云意氣當年獨不羣常負劍書隨壯  
志漫將身世付遺文孤舟夜度玄洋月斷鴈春迷紫  
塞雲萬里長風疇昔夢頭吹霜髮亂紛紜

其四

館就嚶鳴求友年，締交都是四方賢。期春翠柳新花  
下，卜夜清風朗月前。歡飲或誇秦晉匹，唱酬爭擬漢  
唐篇。孤琴欲理今誰在，無奈我洋獨自憐。

其五

少壯遊蹤逐轉蓬，去留南北又西東。郊迎二入賢侯  
國，學政偏論造士功。松島泛槎名景盡，羽山驅馬勝  
區空。堪羞白首無微業，曉夜悠悠思不窮。

其六

自載詩書入武城，但憐經藝屬文明。狂愚漫却千鍾  
養，菽水聊供數口生。不料新恩加朽腐，還將老淚拜  
墳塋。衰年顧景如流水，何日毫毛答寵榮。

其七

交情幾歲重蘭金，老去曾遊不可尋。丘墓蕭條風露  
散，山河綿邈暮雲深。逢迎縱有新知樂，醉語誰看舊  
好心。屈指無端懷逝者，西窗落月影沈沈。

其八

天涯負笈盡青襟，濁酒枯魚歲月深。非是叔孫論制



日聊酬孟叟育英心階前綠萼搖芳氣樹裡新鶯欲  
好音誰識醉翁常自醉高山流水有孤琴

送赤崎文學從駕歸薩摩

萬里何言客路難熊轡陪去逐鳴鑿塵斑迺望仙山  
雪鷁影輕凌紫海瀾隨意子規催別恨不妨魚鴈間  
加餐春風歲歲前期在芝水烟霞盟不寒

小池成

小池盈丈易成功井甃穿來伏一筒倒影明分水中  
竹微涼暗動樹間風客至泛杯情自暢醉餘探句耳

如聾移牀更對嫦娥飲夜色淒然炎熱空

涉園即事

衰年養病謝塵煩曳杖逍遙屋後園孤石當牀堪憇  
息小池窺月弄潺湲綠竹青松皆雨露濁醪素瑟盡  
君恩餘生適是多欣樂世上悠悠奚復言

哭女名喜保年  
十七夭

筆硯蕭然無苦辛慧心如慕太姑倫遊戲畫思妝端  
麗偶搆詩情在老親新詠半成餘彩墨舊絃猶理帶  
浮塵自知衰眼愈多淚不見飛花滿目春

酬仙臺志村文學

輿駟龍種久相聞逸氣今看真出群才似陳王傾八  
斗博驚楚史誦三墳鄉山夙揖金華色客跡曾懸紫  
海雲遭遇及時君努力千秋美業屬能文

贈別神保提學子廉還米澤

喜君千里下孤鞍笑泣相迎暫解顏舊業先憐經藝  
達雄心那說鬢毛斑當齊管仲人將在化蜀文翁自  
可攀但是居官居不易莫將恩寵願清閒

冬日携榭世儀飲蕉隱公子書樓得來字

高樓共倚墨河隍盡日尊前意濶哉簾外浪從瀛海  
湧腹中書檢漢秦來冰心但是餘衰老壯志終當屬  
妙才醉睨斜暉上歸馬芙蓉萬仞雪皚皚

偶成

赤虛何羨玉京天上優游亦是仙官拙自爲朝隱  
士性愚寧比陸沈賢千秋老淚垂青史一曲高歌寫  
素絃好有家人冬釀熟春風欲醉百花前

米澤神保子廉圖羽山雪景題詩以寄贈東都  
諸友余觀此有感



十月寒光羽嶺東臨圖憶昔在其中冬來邑里皆永  
窟氣霽蘭闈盡玉官呵硯爾時詩幾首擁樽今日思  
無窮憐君獨有陽春調寄向南人操郢風

中津倉文學善卿暫歸鄉觴大孺人七十壽辰  
賦此贈別

欲上高堂觴古稀故園西望客心飛春風一路看花  
發夜月三更聽鴈歸行色何須旌蓋美理裝唯製絺  
爛衣歡歌爲想樽前舞携千河梁不惜揮

冬日世儀伯盈來訪分韻

天暮寒林雪欲飛爲添爐火與依依談經或見投時  
好論道寧知與古違獨喜千秋神契在誰如一世淡  
交布相逢相醉唯忘老懶抗衰顏校是非

奉輓米澤世子

滿堂賓酒憶文筵恍惚音容玉几前猶見近題餘彩  
墨豈堪遺響斷朱絃仙笙曉怨銀臺月鶴駕春迷版  
谷天薤露歌悲齊執紼誰知老淚一漣漣

春日寄懷樺世儀

舉觴西望不堪思筑海音書何事遲春兩江城花落

日暮雲天外鴈歸時豈言臭味無同好唯是心知更有誰潦倒年年吾老矣慙懃努力再遊期

將到米澤府老侯整鹵簿出迎南郊六里餘其儀甚謹德民不堪悚懼之至賦此奉謝

駸駸候騎報郊迎早已山風入羽旌驚見遠驅千乘駕豈圖親引匹夫行恩仁爲是崇風化禮教應因警信誠空愧滄埃無答此不堪老淚濕襟纓

至米澤奉謁餐霞老侯謹賦上

關河東去路悠悠霜露千山草木秋南鴈負人鳴羽

嶺北行爭日望菟裘從容進膝無端緒禮酌承恩醉獻酬犬馬餘齡天不假何由得復仰風猷

德民不謁米澤老侯十有餘年老侯厚懷民不已寬政丙辰侯乃厚請我

公招民于其國我

公喜侯之孝德乃賜民數旬之暇使應其招我女先嫁泉伯盈時病在牀然民固感兩侯賓師之過三十有餘年常亦思一謁老侯故不敢欲以私情遲留於是八月下五北發抵其府未二旬



女計至不勝悲痛賦此以洩哀

衰齡七十促行裝欲答賢侯禮待昌思爾羸容扶病  
懶爲吾言笑進離觴斷鴻昨夜驚愁夢紅淚今朝落  
素裳但是幽明暫相隔餘生豈亦久悲傷

宋澤客中中條大夫邀飲東郊別業竹大夫携  
諸賢來會賦呈

一徑斜通松水幽離披錦繡萬林秋若無退食占清  
暇豈有能文賦醉遊恰好歸雲收嶺雨還憐落照上  
簾鉤老生此興知難再不用持觴問旅愁

吉祥閣雨中春望

上方疑是俯恒沙不恨煙雲隔碧紗鱗瓦影潛塵裏  
兩玉毫光現梵林花適教靜者憑香閣休御空王轉  
法車幽賞未窮遲日暮送人鐘響滿闌闌

送菊池博甫經信中之南紀

信中西望望巘岼春月無花草木寒何處曉雲迷棧  
道幾回風雪拂征鞍澗亭歌枕泉流激茅店呼杯野  
釀酸但去江山助詩思行行自使旅愁寬

送神官輔同兒長溫西遊中州

征衣製得及春陽豈可徘徊惜別觴千里並懸雙劍  
氣孤鞵只帶一囊裝神巖日出窺精英禁苑花飛送  
異香但是皇京遊賞好莫慵名下問才良

送兒長溫西遊中州

小壯寧知客路慵臨岐意氣銳如鋒春寒鳥道迷飛  
雪日暮雲山聽遠鐘爲是名門問耆老非唯故國弔  
遺蹤音書欲寄多過鴈要爾平安字字濃

樺世儀書至云其承藩命新建明善堂喜却寄  
杏渺懷人筑海邊鴻書遙下暮雲天誰論制度修新

館共鼓風聲入雅絃垆野欲歌千駟美泮宮先進一  
邦賢西州應有文翁化徹夜欣欣喜不眠

樺世儀官舍集邂逅蔭藩山本教授席上賦呈  
海岱烟霞花月辰幾年南國望佳人芳蘭氣動迎腰  
珮玉樹光來映席珍千歲一歡忘老拙四筵三友爲  
君親論心自此無相厭好是天涯亦比隣

今茲丁己余年七十都在都群賢相將來會舉觴

草堂賦此謝之

恰好園林積雨晴森松茂竹鳥嚶嚶偏憐杖屨盈門



巷不奈杯盤窶菜羹坐自芝蘭合芳氣詩皆金石聽  
心聲漫然七十吾能老羞被群賢稱壽亨

題邊玄對畫梅圖

滿縞橫斜一樹梅巧將毫末此移栽唯憐玉蕊含凝  
露不見瑤葩帶點埃風霽暗香何處所月明疎影在  
樓臺芳塊縹緲牽人去曉夢依依尚未回

同諸子題猛虎圖得雄字

一嘯山鳴百獸空耽耽張爪猛威窮飛雲影黑丹崖  
月老樹寒搖暗谷風難得下莊腰下刃爲思周處握

中弓畫虎由來多巧妙未如今日此圖雄

賀紀藩衡岳菊池氏五十初度

曾見妙年居領袖竟看初老在師儒盈門子姓蘭千  
葉映座賓僚酒百壺鼓瑟音皆依壽唱流盃興自足  
歡娛語君從此明光浦歲貢無非照乘珠

和答南宮喬卿

天涯尺素事初真爲喜交情在故人遊說猶傳長鋏  
歎談經未改一瓢貧秋清墨水空悲逝歲暮桑灘識  
愴神雄志及時君努力有才何憾二毛新

送木君恕之勝山

並序

君恕辭我張千里官房勝山而在東都之邸  
者十有餘年矣蓋爲其先侯之知己也自今  
侯嗣立君恕益忠貞蓋亦爲今侯之知己也  
今茲侯之邑加君恕秩以從焉則其得其君  
也謂之何但勝山距此幾數百里而東則張  
人之情必不得如數百里而西者古人所謂  
却望并州是故鄉者今其於此行而將云爾  
余故贈詩以壯其行

把酒花前暫送君此行何用惜離群  
烝徒曉發郊關月五馬春嘶海驛雲  
都說舊邦隆哲士更看新政寵雄文  
登樓縱是悲非土好使才名一代聞

首春柬彩霞主人

江頭曙色入初年相憶城中尺五天  
龍閣解冰纔水響虎門晴樹尚寒烟  
陪筵上客思應洽卧雪幽人興自偏  
爲報春風吹暖日從君一醉彩霞前

夏晚送邊子觀扶病還秋田

羽嶺長雲扶病歸却憐徂暑兩霏霏  
孤鞍正適衣裳



約數日何傷筆硯非唯是盛年多後計豈將微恙惜  
乖違逍遙自此投竿去暫使清風滿釣磯

屢得中井子慶書詩塵忙替報賦此寄謝

把酒相思浪速天墨江秋色水樓前井梧露滴寒殘  
日洲蕊風生白暮烟遙識青燈耽舊業豈無彩筆照  
新篇神交只恃客疎慢莫怪鴻書久不傳

甲辰閏正犬邨君請使余德民教諭其邑民講

餘有此作

岸峇山廻擁犬邨層城千尺俯長流雲邊嶺雪天西

北樹裏村煙地僻幽倚檻低臨迷過鴈銜盃未盡失  
行舟還憐此興因官至靜使風光映醉眸

至日醉後示諸賢少

昨兩林光望欲春第兄情興醉愈真千秋樂事唯由  
己一世淳名不逐人黍律年年吹氣後梅花歲歲放  
香新揮杯爲屬諸賢少賀爾高堂有老親

宋澤大夫竹子光視事東都邸四年今冬拜國

老還藩賦此贈別

天晴海日照層巒衣錦憐君據玉鞍一路長雲毛野

澗三冬積雪羽山寒元知世職任憂喜更望能文策  
治安臨別欲言愚且老唯聞在上不如寬

竹山居士首春之報至云講堂再造功畢不勝  
喜再寄呈

昨夜春鴻取報還十年情緒數行間薰葭隱久難波  
浦舟楫人空墨水灣嗟我舊遊疑醉夢喜君新築解  
愁顏親朋海內多彫落自愛天涯老竹山

病中感懷

青年志氣一何雄足跡天涯意未窮千仞雪雲驅匹

馬萬層波浪御長風梁臺客位論靈沼魯國文廷頌  
澤宮卧病誰憐衰老久唯餘短髮日鬢髮

五言絕句

思君恩分韻

自辭同輦去無意理新妝生憎紅錦袖猶帶御爐香  
春闈怨分韻

二月風光好梭鶯織柳絲春衣已裁得欲復寄天涯  
其二

飛花風裏色吹轉落誰家懶見陌上柳啞啞雙棲鴉



聞諸子遊涉東郊

春光何處好爭說布金田五百不情漢唯能跌坐堅  
對酒

長歌琴一弄滿引酒三杯只識生涯是何知歲月催

春日飲蕭然齋

內海生  
邸舍

爲憐晴日好來問郭南春蕭然一室酒不是朱門人

玉筍吟

余有脚疾携內以浴玉筍溫泉遊賞之間得

詩若干首其一

夫婦同携去遙看玉筍秋休疑隱居服不是灞陵遊

其二

山農稅本輕户户安生計何有狗兒鳴柴門夜不閉

其三

爺年四五十孀年三四旬提携小女子問訊東都人

其四

白雲生四壁萬象坐來無唯疑輕舉去縹緲在仙衢

其五

小溪斜一轉寂寞枕王宮昨夜鐘聲近知從此處通

其六

孤燈山館靜  
曉夜猶吟哦  
楓杏前溪雨  
漸聞水響多

其七

嶺樹懸初月  
薜蘿白露清  
隔溪猿嘯落  
援筆難爲情

其八

夕陽連兩足  
暗與古人符  
絕叫王摩詰  
陰晴衆絳殊

其九

蕭蕭山館兩  
愁夢幾回驚  
曉聽鳥語喜  
先知山光晴

其十

踏盡萬重雲  
驚看千頃水  
已覺出人間  
仙居何處是

其十一

天路凌雲霧  
遙登玉笥宮  
夕陽嵐氣淨  
嶽影倒湖中

其十二

雲樹連山驛  
看迷函谷關  
揚鞭細指點  
此忞張州還

其十三

半溪秋日午  
顧望白雲陞  
爲別山中勝  
彷徨復步自遲

其十四

寺古餘禪窟  
孤雲起石牀  
徘徊人不見  
唯聞木犀香



其十五

誰道白雲色不堪持去貽欲知林壑趣見我遊山詩

夢歸

鄉國三千里夢魂一夜還分明來往路記得萬重山

聞鴈

霜氣孤蓬冷潮頭月上初寒鴻一聲落莫是繫家書

寄題白雲窟

大隱無朝市何須巖穴濼飄然出還入會得白雲心

植松

孤松軒外色自似閩風枝何須偃蓋茂只愛凌雲姿

春日偶成

春風吹翠柳鄉思亂無端青青去年朶攀來仔細看

其二

春鴈回飛盡鄉音杳不聞客淚長江兩歸心萬里雲

送森子陽歸北越

長雲遙越海一路幾重山相携橋上步曉月白如鸞

看調馬

錦袍羽林郎正轡臨長埭春風滿樹花吹爲四蹄雪

經遊羽中至山形訪原仲豹臨別留贈

非爲千里客何語十年心還嗟今日會忽使別愁滋  
送淺貴鄉歸佐倉

咫尺櫻城路扁舟墨水隍若思江月好還上暮潮來  
送長門木玄周

昨日新相識今朝忽別離休傷歡晤短交道在心知  
恭應

東獻大王教賦園內八勝

神祠白雲

精爽巖如在宮垣擬二荒山櫻花外去縹緲白雲長

燕寢丹楓

燕坐清禪外幽吟至夕陽丹楓霜後色疑見火珠光

萬德朝梵

清晨開紺殿碧瓦鎖香烟松濤與仙梵颯沓上方天

六宜夜雪

竹樓幽賞具夜雪興殊新誰候衣珠色來爲授簡賓

凝香春曉

新花滿苑色曉露溥凝香步自瑤階忝不堪意興長



替古夏夕

閑坐思真諦  
輕雷散暑雲  
晚氣清涼甚  
風颺貝葉文  
尚友邀月

蕭然山館裏  
尚友古人書  
夜半窺林月  
松風影響疎  
亦樂殘春

一味唯禪寂  
誰知此意真  
品茶幽興動  
聊對落花春

白子祠

在采澤城北小野春風所建云

負郭松杉古  
蕭條一廟空  
上梁何代字  
唯剩野春風  
芍藥園

三竿高日影  
芍藥帶輕風  
徹夜村亭兩  
添來一段紅

館子順宅春曉即事

早起林庭靜  
春鶯裏鳴蹄  
石攀花樹初  
知昨兩晴  
芙蓉峰畫贊

曉雲攀不盡  
赤日拂扶桑  
未辨甕班色  
先開瀛海光  
贈雜僧德龍有詩名

明珠難可掩  
瑋彩易驚人  
好收衣裏色  
莫觸世途塵  
題畫

衆峯收雨色  
孤閣寂雲烟  
幽人何處在  
釣艇菰蘆邊

示諸賢

青襟稱學士誦習聖人言及時無定志何以答殊恩

鯉魚圖

應因在藻久潑潑一何肥似向龍門去金鱗映日飛

豐山園二十五境

其十三首在  
七言絕句部

小廬山

林蹊試一攀境邃小廬山寒鐘兼暮兩轉使道心閒

彩雲塘

回塘西又東滿目紫薇紅步上天女島身在彩雲中

臨遙亭

一望林堂上迢遙目不窮分明辨物象都在落暉中

拾翠臺

日夕高臺上晴煙滿野坳千山唯一黛咫尺澆眉青

卧龍蹊

老松千載外偃蓋映蒼池蹊上徘徊去龍鱗起水涓

錦明山

楓樹舍斜照風吹亂葉迷當從何處去面面錦爲蹊

吟涼橋



吟步平橋上鳥聲響綠篁誰知盛夏日早已動秋涼  
玉圓峯

孤峯削翠玉登眺出塵埃山光兼樹影都向鏡中開  
竹猗門

柴門臨碧水修竹萬竿清瑟瑟微風動行聞曼玉聲  
古道岐

鎌倉與河越壞道岐空存桑海有今古千秋入我園  
濯纓川

清川塵境外沙上白鷗馴相携臨水際恐似濯纓人

鳴鳳溪

溪幽松石古飛瀑滌人心微風吹水響似聽鳳笙音  
磨富嶽雪製圖遙賀筑陽南陸翁七十

芙蓉千古雪嚙之得延年寄語南陸子長爲地上僊  
富嶽圖

海東神嶽雪瑞氣集天壇玉削蓮華色千秋萬古寒  
謁暇遊平洲

村翁扶杖集相對意何親共語齟齬日悠悠鬪草春  
其二

方方皆熟路東眺又西攀人生今自髮草木舊青山

其三

朝登大士閣夕上如來峯扁舟盡日酒無物觸心胸  
送佩蘭老人還山

高卧張城市領閒七十秋還山更何意應厭識韓休  
折桂花贈山大夫蘇門君

叢桂幽香動幽情日轉幽爲君攀折得持贈小山秋  
或贈南都襄酒山子言泉伯盈適至同飲戲賦  
道是南都釀何分北雪名三杯春欲動不問滿觴翼

分賦薩侯園中諸勝得清池新荷

名園收海嶽萬象入樓臺醉就清池水新荷捧玉杯  
爲久保山伯斐題松圖壽乃翁六十

林中

松風繞茅屋高卧遂沈淪隔樹聞相語也他世上人

贈金子龍

名淵米澤  
小松里人

力作安慈母歡心足菜羹半百書三筐司農甚姓名  
題李白圖



先生無答意何問碧山溪丹青巧一拂會得當年心  
七言絕句

西條侯邸觀中使致獵禽

君王昨日獵西原錦鏃高從玉臂懸那識雙飛天上  
鴈忽追中使落朱門

聞喬卿舉男卻寄

萬里懷人海日寒鴻邊尺素落雲端殷勤報道明珠  
色何歲攀君掌上着

淺大夫席上作

春早園梅冰玉寒政聞詩酒一相歡幽情本是稱朝  
隱不厭樽前引鶻冠

卻寄  
泉子容逝後相馬諸子寄示其挽詩泫然賦此

舊遊傷逝情偏苦萬里歌成不忍觀相馬城頭一片  
雲墨馱河上飛爲兩

秋日墨水泛舟

清風颯爾泛舟前墨水長流接海天自似飄飄輕舉  
去漢河何羨上槎仙

園花盛開東西條邸諸子

握手樽前動易違  
百花春暮映柴扉  
如將官暇能來飲  
尚及林風吹雪飛

送米澤竹大夫之京

壯志由來叱馭過  
信山何處路嵯峨  
我知君馬首東歸  
日禮酌當聞卷耳歌

送江松伯還米澤

秋晚霜威草木寒  
武昌城外送歸鞍  
旅顏何用傷憔悴  
自有囊中不老丹

秋玉山見序拙集賦謝

十載論心依舊盟  
狂疎領得臭蘭情  
裁來獨負三都賦  
序罷長分一代名

弔友人喪女

芝蘭花落暗香微  
知爾鍾情淚濕衣  
夙慧空思謝娘  
子階庭柳絮惹愁飛

春日課門生栽花磯士順見過

此日春風滿草廬  
種花移樹引清渠  
山人唯是耽幽事  
休怪門庭禮法疎



閔伍伯有歸隱城西豐澤賦寄

近聞歸去已成篇  
種秫耕耘彭澤田  
秋來漉酒君須報  
醉歌相和撫無絃

哭秋玉山三首

夢裏音容黯不舒  
西窗落月意躊躇  
春雲萬里蘇山色  
號哭無由駕素車

其二

草堂曾別一樽中  
握手偏期馬首東  
豈料今年花樹下  
回頭落日泣春風

其三

一世文名老益賢  
幾年交道儻忘年  
高山流水從君逝  
斷絕陽春白雪絃

送藤子彊遊函嶺

回首西天函嶺孤  
憶吾忝歲在雲衢  
山中到處君須見  
題壁墨痕猶有無

客中除夜

除夕蕭條坐夜分  
一身天外奈離群  
鷄鳴忽送春雲色  
復使鶯歌客裏聞

子靜種甘蔗於張州戲賦贈

洞房遙想鳳笙音時藥丹邱日月深豈比人間塵垢

裡坐教雙鬢二毛侵

丹邱地名在張州

中秋望月懷藤子彊客玉筍山中

把酒高樓一醉歌遙心此夜爲君多江城月色秋如水玉筍山光定若何

聞荻野氏喪內遙寄弔

聞道秋闈蕙草摧殘芳空入悼亾才香魂自與朝雲  
去幾回簾前暮兩哀

兩中陪宴上杉支侯觀海樓邑信適至侯大叔

南臺公子見惠鴈卒賦奉寄謝

觀海樓頭兩色潑憶君天外杳難尋何圖一鴈長雲  
落細報千山萬里心

送人歸隱日光山

長揖紅塵鄉路回祇看鬢髮若雲開延年定識留顏  
色人在神仙十二臺

曉下刀禰川

落月沈沈送客船回頭刀禰水如烟晨鐘一動長空



外早已東方海日懸

送人歸隱嵐山得連字

嵐山高倚洛西天  
霜涑楓林錦繡連  
君望舊溪歸意切  
秋光何處不堪憐

春別曲得心字

春水離情孰淺深  
徘徊江上恨難禁  
風花亂點無南北  
恐似卽君別後心

春宮詞

玉樹花開內殿春  
趙家輕妙舞衣新  
三千富貴連房

似誰比君恩在一身

宴別野伯修還熊府

把酒江樓此送君  
楊花疎雨共紛紛  
憑欄悵望知何意  
萬里歸心紫海雲

昨別世美今朝兩甚賦寄三首

曉來開戶怯春寒  
匹馬思君客路難  
昨日南樓醉中別  
早爲今兩驛亭看

其二

千山西望路迢迢  
二月春寒雪未消  
縱是芙蓉河水

急尚知舟揖穩於橋

其三

一路風光春色開張城百尺彩雲間片舟南渡時回  
首海水東頭我故山

宿白河驛點檢延陵諸子詩因賦寄

白河關外憶鄉時驛舍瀟瀟夜雨悲撫枕燈前不成  
夢無端點檢故人詩

平洲先生嚶鳴館遺稿卷之二終



愛知 県



1103183339